

彛

壽

軒

詩

鈔

舞壽軒詩鈔卷四

錢唐
舞壽軒

辛丑

正月二十一日入三竺遊靈隱諸洞

春來暄新晴雪後解餘凍吹面風猶尖曝背寒日邊
隄外黛色淡烟霽隔岸颯梅痕芳意一分弄往來鷺雲中時
見騎飛鞋稽首蓮臺下大慈警勞夢訪石證三生危崖心駭
恫欵豈罷攀躋搜索遶巖洞香林接青林北宋逮南宋古刻
什存一斤斲傷豎空溟濛翠徑竇吟呀翫虬鳳石佛留古容
玉乳挂寒淞幽綠俯池塘澗白走巖縫枕流且漱石齒耳豁
曹曹怪我久句留催歸喧僕從出山日未晡滿湖畫船鬪酒
家重停車買醉倒春甕陌上歸緩緩悠然古歌諷

閏三月十二日次白安伯招集湖上小欄川莊看牡丹
分得皆字

疊石瓏璚對小齋，穠芳高下好安排。春逢餘閏爲花福，燈照
華妝與月皆隄。上垂楊圍作幄，樽中美酒瀉如淮。飲酣放眼
層臺頂，雲罨湖光一鏡揩。

閏三月二十三日偕陸圓卿丈游南屏登石屋洞頂天
然庵至理安看新綠

苦雨三春徂，怱怱花事已。綠陰滿西湖，啼鳩聲未止。薄游破
積悶，雨歇便舉趾。有客來不速，何必成三俟。雲泉不至出郭趨青
帘，兩腳沒泥滓。四顧煙中鬟，覆壓白雲底。雲白何明明，樹綠
更旒旒。欄藥暎不紅，村醪淡如水。言尋段娘壚，風味今邈矣。
皇墳豆尙遲，食新弗動指。阿師出門去，庭陰生淨喜。閒敲舊

山齋新閣成廢址兩友俄山邱獨石又榛杞

南屏訪松公不遇入山訪齋至

獨秀峰下新構未完空亭早圯重葺之錢小謝朱彥甫兩君皆遊矣

呼車且幽尋裏入蒼翠裏

嶺逕盤修虵石屋翥飛雉蘇陳舊題碣重剏跡已徒後來仍

好事藏書名山儼

貞君猶大書刻石曰曹葛民著書處

剔苔捫石刻泉溜滴類

泚屋上更有屋穹圓瞻翼跂天然鳥窠居無縫如笠倚枯僧

安團蒲潛棲研淨理何當捨塵濁禪關借深壘煙霞懷金仙

欲涉滑屐齒但見洞雲飛幻成翠石綺下山復上山羊腸走

迤邐九溪九曲峰一掩一重起六六屏間翠乙乙珠穿蟻古

木紛滿眼鳴泉迅激耳聞聞采茶應布裙出笠底縹緲碧林

下素手舉香藥近寺窺山合參天蕙樹時濃青雜淡綠錯續

不能紀瞥眼斜陽明舉頭元霽委卻是新楓黃錯認落霞紫

松局訪遠公

謙谷主理安

下座忽倒屣靈泉滄佳茗灌頂清且

登閣睹畫壁遺墨觸睇視昔年共山居故人筆劍使松古梅

花肥蟠拏動窗几題者瘦葛生

葛秋生

畫者玉岑子

許玉年

嘗爾二十年故人宿草靡此畫亦黯淡此壁將積隤

雨君久

亦將感茲人琴淪驚彼歲月駛閱世覺大夢觀化惜喜譽悲
歎重悲歎逝者皆如是催歸愁僕夫沉陰復漫瀟出山屢迴
顧幽邃亘數里待就山僧招結夏從此始

以理安謙答上人所贈新茶分餉雲泉承賦詩用蘇公

試院煎茶詩韻見報次韻奉答

滿山漲雨金芽生遊人兩腋春風鳴引人隊隊采茶女布裙
草笠翩鴻輕谷音跫然來客二老僧開扉豁幽意龍井雀舌
新焙煎養以諸天法雨之靈泉一啜詩心巉削起岷蜀再啜
禪心清淨澈冰玉莫嫌甌雪難充飢飽餐綠四山橫秀眉

更乞攜歸萬麥顆換君瓊瑤好句奚囊隨不能與君磨詩但
戰茗尋春後約毋失櫻筍芳菲時

四月十四日江上放舟

放纜龍峰下招招倦榜重暝煙浮渚白落日漾波紅月湧平
潮澗山分斷岫空扁舟眠不穩人語雜江風

漁浦挂席至富陽與程雪門秦元聯句次竹垞初白兩

先生韻

昨日煩襟今日消秦元冷然風好送輕船橫吹帆葉弓弓字
應昌亂打山城滾滾湖對酒欣逢明月滿秦元尋詩笑指碧

天參富春此去無多路應昌萬疊雲山向我招秦元

晚泊桐廬用朱查兩先生桐廬雨泊腹字韻

林暝塔影潛依稀見白屋舟子怯前灘沙際伴鷗宿奔濤捲

涼月萬珠弄江腹舉觴勸吾友村沽酒新漉

同作

程泰元

乘月汎桐江江波盪油綠數點燈隔谿一片烟
鷓鴣鷺
寂忘機先我沙際宿明日棹嚴灘烹鱖快充腹

七里瀧

富山千嶂盤如鵠到瀧盤作青螺殼桐江萬頃綠如油到瀧
綠於雄鴨頭青山一折屏六扇綠水一彎琴七絃屏山曲曲
絃泠泠高山流水生清音高臺仙人坐千古至今澤畔多漁
父年年閱盡去來帆垂竿自釣寒江潭潭清俯見石鑿鑿鷺
鷺不啄魚亦樂釣歸不用扁柴扉白雲爲戶峰腰飛吾生已
解名利網不來棲飲徒夢想入瀧出瀧往復還臥聽風雨鳴
前灘上灘下灘任遲速倚棹看出總不足

富春桐江道中雜詩

三折江通宛轉四圍山
遶嶙峋面面亂峰無數盡筆千巖百

級
青山影裏帆白蒼樹林中火紅一片曉煙暝
霧侵黃蕪灘寫空

濛

龍厓夾水千尺螺磴牽船百絲對岬烟銷日出樹
寒綠舟自

移

到灘伸脚石大飛流鍊骨石空柴劈大斧小斧
朶朶青蕪翠

蓉

上灘臥撐鸞竹下灘坐激湍流獨有溪翁不覺
自數白石灘

頭

屋倚半山石壁枕臥萬里滄流朝雨飛來白鷺
夕陽歸去烏

半

船姑織小黃綢
溪叟賣尺半魚
青柏林間打麥
翠簾陰裏讀

書

春去畫眉聲
嬾綠多梅子
陰成客夢芳洲
九里臥聽午夜潮

生

九里灘
多梅林

送林少穆制府謫戍西陲

森森千丈松
霜雪愈蒼翠
錚錚百鍊剛
塗塗愈精粹
艱貞之
明明益光退
思之忠忠彌彰
古來良臣作
遷謫聲聞乃更過
於雲臺麟閣之
褒揚君不見
元和節度管
城儔一朝淪落居
崖州
西川南詔樹
偉業至今人說
籌邊樓又不見
端明殿中
蘇學士
惠廉瓊儋遭
讎徙八百年來
海外人家家一
殘寒泉
祀用之
天下喜舍之
天下哭
人喜人哭
匪以私祇爲長城一

身屬名大垂宇宙名遠傳荒陬大名遠名皆不朽照耀萬里
光千秋非常人有非常迹磨之愈堅涅愈白豈似容容坐嘯
流無難無災叨鼎食君之秉心若春煦君之澤民若霖雨輕
裘緩帶領襄陽花黍甘棠誦江澣治

國如治農夫疇去其螟螣與賊蝥利害蒼生關大計艱難赤
手運深籌持節旬宣控南越豫州慨擊中流楫兵甲羣鷲小
范胸窄邛威諭相如檄鱷鯨不敢縱狂瀾炤海犀然膽自寒
設險高閭能築壘整兵羊侃不開關置臣盡似公肝膽虬蟄
大樹何能撼揖盜誰開申息門表忠空折承明檻

朝廷威德要兼行臣罪原知負

聖明自譖昌黎美里操潮陽一表涕縱橫觀過知亡仰日月
耿耿丹心懸魏闕被黜狼暉咎不辭防邊鄧訓功難沒獨憐

遠度玉門關西望祁連行路難赤坂九迴身觸熱朔風千里
雁吹寒雪山冰嶺連天擁馬耳埋尖駝背腫身伏羶廬火不
溫口乾戈壁泉難涸朝有猛虎夕有長蛇牛羊羣飛狂風驚
沙君之所仗祇忠信可以梯山棧谷通天涯酪漿羶肉耐飢
渴顧瞻北斗依

京華念君苦行役勸君銷煩憂邯鄲道上夢幻耳放懷且騁

逍遙遊伊吾鳥孫漢樓櫓焉耆疏勒唐鉦鼓

哈密古依吾盧地伊犁漢時鳥

孫國地見洪雅存先生乾隆府廳州縣志焉耆疏勒皆今吐魯番地見李申耆先生歷代地理韻編今釋天開地

闢入輿圖螭塞狼脰認庭戶征人弔月受降城猛士歌風都

護府懷古心情出塞吟篇篇拍合涼州譜更有銀山十二排

插天萬丈琉璃屋中原無此境奇絕洗眼豈止雲水指秋原

飛鞚射生手蕃兒袴褶橫腰鞞箭沒寒雲落鷓鴣葡萄酒美

爭琶諧

雪山於烏魯木齊如銀山惡遠城多

琉璃插天於伊犁

以此胸寥廓

聊解意離索願君保此柱石身莫影盛顏且喜樂况乎名在

江淮河漢間作楫還看濟巨川勅書他日貽楊僕台輔申朝

待呂端黃鵠飛還鸞羽翼金雞迅下指刀環國人望君如歲

如父母矧我與君契分同金蘭悽悽復惻惻思君情無極隨

時愛景光努力崇明德河陽攜手淚如糜夢魂隨逐蔥嶺西

歸來一舸五湖待騎驢共踏蘇白隄

夏夜偕次白宿安伯小鞦韆川莊

門外疏楊儼朝川詩情畫筆小神仙又從露檻垂鐙夜賞到

蓮塘醉月天

問春看此

竹裏安牀客夢清北窗一枕雜秋聲幾枝借得蕭郎筆吟雨

吟風到五更

余下榻蕭郎叢
筆軒竹陰蔽屋

一幅西園雅集圖
詠朝塗抹更歌呼
蚓吟愧我巴人鄙
難作周郎顧曲徒

中宵荷氣拂船紗
待曉披香挹露華
一夜瀟瀟雨不止
開門蓮葉亂翻鴉

同作

王泰

侵曉烏亂啼喚我涼
夢覺披衣起開門
風清遠香撲童頑
睡軀窮客豪步超
踔沿隄忘路遙
露濕足如濯
小艇繫柳陰
短襪手自握
掉入萬荷中
四面花爲幄
折得蓮房歸
初陽照屋角

章黼

雨過雲銷鏡淨
揩畫橈
故送月遲來
風吹涼夢酒初醒
露裊遠香荷半開
水上笙歌動
瓊珮岼旁楊柳似樓臺
清光

爲我添吟興又向西冷盪槩回

壬寅

正月十五夜宿白楊村

一九涼月照柴門山色溪聲淨客魂忽憶今宵是元夕社祠
燈火鬧黃昏

最喜新春甲子晴不惟望歲祝春耕全憑霽日光風被立使
沉霾積沴清

白楊村久雨疊前韻

鳴澗飛流直到門連宵風雨攪春魂曉來七十二峰失一抹
冷雲寒霧昏

九日濃陰一日晴漏天愁殺老農耕好春我更愁枯坐孤負
梅花溪路清

山居再疊前韻

萬疊青峰繞屋門一灣流水滌詩魂
鳴雞呷喔歸鴉陣啼徹朝煙與夕昏

更喜溪山兩後晴青青豆麥隴催耕野
田久立田夫訝自愛飛流泉水清

登小和山謁金蓮寺

西入山深處穹窿判聖凡百重泉走雨
九折路張帆竹翠高低疊巒陂首尾銜
天門闕詼蕩可許讀瓊函

二月十六日舟泊塘棲

纜挂春帆得便風出門歡喜謝天公
暮烟繫纜塘棲市原水滿湖燈火紅

石門灣

節過春分要種桑滿村百本賣條秧農蠶無擾軍徭靜祠社
家家一瓣香

送梁蔭隣中丞致仕回閩用公乙未年出山紀恩詩

二律原韻

朝衫脫卻便身輕鷗鷺欣然送舊盟大業久垂千載績勞人
宜息四方征纔瞻官閣雲輝近又逐春波別思生最好巖棲
招隱去憑他衛霍建旗旌

感思思起倦思還逸興閒情寄海關孫綽遂初吟筆健蘇
瓊有子綵衣斑綠榕樓畔聯耆社白月天邊照玉顏先友
晨星看落落心隨帆旆到三山

泊垂虹亭用白石翁韻

柳綠桃緋春意嬌寂無聲按小紅簫自維孤艇煙波裏踏遍

長虹白石橋

含山

峰起平川便不平，峻嶒孤塔寺垣撐。
野航簫管游春去，一葉

遙飛逸興生。

近村進香之船其族
字皆曰逸興遙飛

擬少陵諸將五首卽次原韻

伏波勝算米爲山，細柳神軍出武關。
虜在目中操掌內，兵從

天上下人間，鞭驅能使羊羣弭。

孫子焚舟破
釜若驅羣羊

矢貫奚辭馬革

殷將將將兵從古，說漢家燕領佐龍顏。

如何千里壞金城，自啟秦關立趙旌。
蠡爾犬羊門揖盜，曷哉

龜虎紙談兵，齊侯鼠伏同兒戲。
越海鯨翻攪鏡清，縱敵深於

失律罪滄波，袞袞恨難平。

東南星檄亟傳烽，宵旰籌邊勞

九重非乏雨林六郡子豈難函谷一丸封釋公徒甲烏烏樂
齋寇盜糧芻糗供蓬闔仙都傷蹂躪瘡痕滿目廢耕農

候濤山火起霞標兵氣倉皇寶氣銷礮子雷鞭赤燄怒潮頭
雪擁碧天寥洶洶一炬奔吳象碌碌千夫珥漢貂不死非忠
死亦罪好謀成事

謝盈朝

翩翩裘帶使君來喚鶴噉鴻心孔哀作鎮南中寇公鑰障澗
東去越王臺沙村樓舍皆懸鼓鐵鎖江流敢渡杯無恙湖山
春萬戶持危端賴范韓材

曹葛民

籀

移居東郊示次樊榭韻四律索和

三徑新鋤半畝餘城居依舊似郊居秋花籬外多黃菊春水
門前繞綠渠東里儒風君子宅西隣淨侶道人廬

結鄰小坐
天竺

簷灌叻堪栖飲學圃高蹤涵牧漁

卓精百氏是書顛墳索沈酣食蠹仙石室名山司馬業

見前游石

屋洞詩注珠江壯覽子猷船歸來奇氣披胸吐卜築蕭齋跂脚眠

水木清幽吟嘯地誅茆不費買山錢

君粵游甫歸

放鳴灘前塘路斜大隄歌曲句曾誇千軍猛氣來濤雪一片

閒愁對菜花小隱邱樊思避世太平門巷好移家

居近慶春門俗稱太平

門從今不問嚴城鑰高枕閒聽鼓角譁

君先居城外放鴨灘倚江塘隔城鑰

萌堂城曲紀前聞祭酒徵君翰墨勳

周樊謝吳寂人兩先生皆曾居東里適軸

碩人多達者兼葭秋水想詩云巷中卿子才兼藝

張隱君擅醫名人名

其里曰張卿子巷君亦能醫術鄴下陳思意不羣笑我蒿廬居近市望塵慚

歎涓涇分

九月十四日由龍井登棋盤山入天竺宿僧房翼日度

郎當嶺至雲棲寺宿十七日自雲棲竹徑登五雲山下
山由徐村歸得詩三首

晴秋入南山紆陟龍峰道千朶青芙蓉雜以丹林好輦道開
崔巍如砥升林杪步步石玲瓏曲曲逕窈窕淒涼舊宮苑龍
池蒙蔓草破屋孤僧栖冷甕枯葉燎茗罷躋西峰千盤蟻磨
遠左顧洞嶽崎右顧樹天矯九轉入雲中江湖見島嶼如擁
蓮花臺奇礪寒翠繞路旁畱基盤柯爛仙蹤渺漸近南峰高
愈覺西湖小停車山頂庵戶牖關深窈僧話去年事漁郎踏
鴻爪桃源別有天飛花流水杳仙山好樓閣吾亦願終老恨
此一茶頃風引去蓬島下山入竺雲危磴駭高鳥回頭樵歌
峰斧劈形了了

一宿白雲房蚤起重呼車嵒巖龍門嶺邈在天之涯仄逕循

澗鳴叢荆披杈枒泉溝瀉寒玉山磴蒙雜花一陟一百級幾
陟高無遮攬身西湖外曠然江山遐俯視兩高峰卑如鼓可
搗小憇嶺上亭一燈指路又細讀亭間碑五丁開蜀巴自非
生公力那免楊朱嗟郛當嶺路雲
酒伯與楮築坦步羊腸岡萬竹籠袖霞
紆餘轉谷口羣山亂如麻忽犖犖确确形如蛻骨蛇又聯聯
翩翩勢如銜尾鴉陽厓互屢屨陰壑森谿衍惶怖失林廡蹶
踏粘壁蝸吳山湧脚底重重蜂排衙海舶來天際點點雁落
沙到此胸臆間芒角生查牙十里度江溪再訪釋子家郎當
悟鈴語腰脚衰年誇

梵廬息游屐清夢酣幽塢隨辰得遊伴餘勇猶可買况此茱

萸節相攜花萼侶高會吹塢篴舟甫弟揚
齋姪同游佳日無風雨竹兜

輕於舉山僧健如虎將我凌扶搖笑指雲峰五幽逕攀松篁

古木竄鼯鼠飛身撻絃雲玲瓏撥霧縷滑磴滯足脛戰汗滿
腰股毋以登臨樂弗恤胼胝苦緩步堪代車作氣還一鼓拂
石坐山腰江流之字視萬里恬鯨波雙壑靜鴻渚隔岸苧蘿
山娟娟秀可數土堙聚沙民耒板喧田父今日歌擊缶前日
潮射弩不見爭戰場那識安樂土無恙好湖山踴懷更起舞
不辭登絕頂再拜謝神祐歸途下千仞塔尖出水滸

十月十七日塘棲曉發

紅日催醒溪艇眠三三兩兩出寒煙岸搖波影簾紋颺鴉抱
桑枝墨點拳霜葉丹黃深淺間漁莊茅竹整斜編豐年亂後
尤堪喜銜舳南來載米船

晚泊八測

路指松陵暮靄霏繫船村市且相依平江落日金盆下雲作

紅鱗百片飛

楓江曉起

鴈後朝曦射眼明推篷迎面紫雲生那知卻是曉山色兩洞
庭峰天際橫

呈程晴峰中丞

喬采

大名耳熟過庭時又附松喬展覲私縞紵通辭懷舊侶葭草
倚玉愧寒姿棠陰早蔭粉榆里蘭菊爭輝花萼枝兄弟戟幢
江左右

熙朝盛事豔今茲

公弟懋堂中丞
同時開府皖江

瞻依幕府盪扁舟池閣頻尋昔釣遊每向節樓逢舊雨

少穆
正麟

兩先生及公皆
繼先大夫撫吳

更聽吳地話杭州登門願立游公雪庇屢欣

披白傅裘祇念鰥生無學術誤他載酒賀張儔

今歲命主
平江請院

歸棹石門道中

去時烏柏飽霜紅旬日歸來候不同
葉落枝空敲柏子嫩寒吹面一林風

暮靄蒼然溪路平林陰漸黑水逾明
不嫌澤國無山補天際晚雲螺黛橫

哭亡兒興廉

嗟余夙善病垂翅功名場屢勞計車
逐弗肖弓冶良喜汝具慧業祖硯欣
貽將抱汝咳而名繩武殷相望

吾父名之曰阿繩字繩武

十三熟六經組織爲文章十六舉茂才
手舉芹藻香三世年

歲同泮林先後翔阿翁老懷喜英髦羅
膠庠補文記其事父

執長樂梁

吾父及二伯九叔皆十六歲游泮余繼之梅庵尙書鐵保公爲文記焉至廉兒又繼之吾父

又屬梁正隣中丞章鉅爲後記葉兩篇刻
石爲英髦集泮記英髦集泮者學使朱石
君先生所題大父勤教堂門榜也

謂此童有造應蚤步玉堂那知一鳴後十年不引吭七戰前

復卻心瘁體已疴

七應鄉試王司備中而復擯者三

癡擬書十上短夢催黃

梁

見嘗云擬再赴三科不復嘔心矣

黃梁幻夢耳富貴非吾想貧賤長相依老病亦資養吾家竊
世祿甌破久悵快燼餘且收拾帶做聊自享負郭田不多事
畜積俯仰治生計雖拙經營在勉強念汝多藝材持籌運諸
掌勤劬補困乏哀益稱銖兩菽水謀伏臘饋遺洽親黨吾老
畏煩勞家督汝是仗如何天厄吾壯者先幽壤雖有汝一弟
吾誰脫塵鞅喟然嗟薄命死別情惘惘

死別已悽惻慰情無孤孫止一女孫小麻衣泣寢門病婦偃
在牀嗚咽悲聲吞汝婦素備弱倚汝度喪殮無夫又無子何
以能自存悽然彌留中聽汝爲我言待汝弟生子祧嗣供蘋

蔡汝弟娶婦再祚薄生不蕃弟妻今又病蕉萃枯楊根寂寞
閒庭階何年萬蘭蓀待得萬蘭蓀祗恐頽椿萱隔隔素髮變
冉冉斜陽昏死者張兩眸生者摧心魂

心魂倘悅游頻日疑夢寐燈前見總帷淒其盈涕泗痛定更
思痛憶昔分雁字汝伯曠世才與余左右臂忽赴修文召嘉
慶甲戌事其時汝初生襁褓未能記汝伯二十九王勃之年
歲汝祖五十三慟洒西河淚汝亦二十九相從華年逝余亦
五十三哭汝同一例汝祖與汝父清門何咎長衰年喪壯兒
前後無異致搔首呼蒼天吁嗟果何意

壬寅除日感懷

流光催鬢鬢睡老去伶仃更轉軻入夢身迷催夢覺讀書
人少厭書多蕭然興味僧差近逝矣居諸壽幾何世界有虧

年有盡祗堪半偈禮維摩

癸卯

正月九日胡珉圃選招集湖上仰山樓分韻得水字

春至湖上山美人睡初起惺忪曉煙外淡冶明鏡裏層樓俯
六橋秀黛拖窠几柳意籠濛濛波情漾瀾瀾畫舫聒龍笙紅
橋穿雁齒座上滿高朋樽中馥香蟻深飲醉不辭清言聽欲
靡遙指蘇小墳錢塘是鄉里至今湖上女容顏若桃李如何
苧蘿村相望隔煙水酒闌重徘徊眉峰暮凝紫移舟過巢居
梅花二分始蓬蓬招遠春風日方清美珊瑚其來耶明月黃
昏俟

塘棲放舟暮泊溪村

壓岸雲翻墨漱天浪簇花隨風鴉點亂撲面雪珠斜旅夜樽

儲酒孤村客當家更闌醒短夢明月照寒沙

鄧尉探梅

夜發橫塘路曉至梅花村臥起喜晴色鱗背升朝噉筍輿出
嶺逕四山豁排門曲曲入深窈田舍雜籬樊花光參其中斷
續隔桑園時見數枝斜竹外與松間靜無車馬至三分花未
繁登亭眺香雪幾片雪已殘緬想

高皇時白如海漫漫金粉繪輦道香風迎

翠鑾屬車人闕寂山農亦貧頑甯栽十畝桑不藝九畹蘭可
憐萬玉妃零落同頽垣喟然吾生晚斜陽冷空山歸途不忍
折畱與游人看

司徒廟古柏歌

司徒廟前古柏四盤礴縱橫太奇肆參天拔地非尋常鬼斧

神斤莫思議愛此甘棠思召公司徒爲誰漢馮異將軍夙負
大樹名千載英魂實憑寄一株車蓋張亭亭邯鄲大旆軍心
傾一株蒼皮似螺轉蕭蕭風捲滹沱旌兩株俯仰勢跳躑蛟
蟻拏雲虎踞石如見電池奮翼時赤眉十萬皆辟易猛氣長
留宇宙間湧現古木靈祠前枯根浮渣貫星月翠陰籠黛霏
雲煙摩挲此柏重感歎萬事遇合誠因緣司徒將兵帝將將
推心置腹交懽然柏友司徒亦相得不異王聖彰臣賢至今
人物俱不朽英雄姿槩輝山川不然材大置閒處豈無抑塞
淪落荒榛菅

元墓聖恩寺

到寺兩山闕望湖千頃明歸帆片影直靜練春波平畱蹟墓
碑古鑄經鐘字精扁舟想范蠡小愆生遙情

木瀆

愛此村居好依山更枕流美人宮苑屨高士洞庭舟深巷賣魚市名園觀稻樓數椽如可卜散髮五湖游

二月十七日詣艮山門外辨利院瞻禮大士畫相百餘幀並讀魏春松丈用靜便齋乞吳甌亭施陳老蓮畫相元韻詩卽用其韻次之

鷲峰大士靈應殊香市奔走越與吳豈知城西現妙勝千年手筆傳形模臨江鄉人百八幅于今更益六十餘各藍春秋

二仲月高堂巨壁如雪糊鐘魚香鴨集梵唱優婆闍士來於

於唐刻宋繪世固罕陳老徐青藤金門禹之今亦無妙吉祥相

垂眉鬚瞿曇能仁而能儒內典釋迦者能仁也又能儒也善財童子前拜趨

功德水洒楊枝盂多羅樹葉琉璃覆珊瑚幢蓋瓔珞敷青芙

藁座白練襦狻猊師子馴與俱香煙騰起七寶爐如花綺繞
雲游紆紺髮赤腳忽變相竹林巖石還結趺三十二應示西
竺五十三參誦南謨深心毫素契如如合十讚歎羣囉呼一
切厄度五蘊除幻千手眼百億軀海潮音繞東臯廬有大光
明放神廚三塗八苦仰濟拔頂禮鎮海摩尼珠

廣南有鎮海明珠見五燈

元會

九里松菩薩廟觀嘉熙元年周覺圓石龕題名

九里蒼松無三尊古佛在六百年名存八十字塵浼香火荒
村稀姓氏小志采

恨山拂拭綠莓苔湖洞功德海

虎邱竹枝詞

異樣靈柔胥水潮眼波眉黛總魂銷水邊意態何穠遠雅步
纖腰結束嬌

嫣然倚舵晚風前
照水芙蓉劇可憐
短簿祠邊斜日落
教人一步一畱連

捲絮飛花擁畫橈
垂楊深處鬪笙簫
柔波也似儂情脈
來往滌澗斟酌橋

月上黃昏轉畫舟
泊坊浜裏翠紅稠
笑他走馬看花者
那及吳姬水轡頭

明光水殿敞玲瓏
百琲銀燈罩畫紅
燈上琉璃波面鏡
料應如煞素娥宮

不曾年少學疎狂
孤負鶯花豔冶鄉
今日自羞雙鬢白
祇堪碧漢望紅牆

歸舟爲城關所阻暮泊城外

杭人作客客愁綿
魚鱗重重鎖暮煙
那似吳趨鄉里便
夜深

打藥到門前

黃昏歸棹阻城關，如隔紅牆碧漢間。
客枕孤燈渾似昨，今宵魂夢不能閒。

楊雪椒光祿

慶珠

解組過杭湖山暢叙數日而別奉贈

二律卽送歸闕

歷山湘水十年思，又得逢君花落時。
相見西湖楊柳岸，頻歌南浦鷓鴣詞。
爲霖嶽色瞻彌峻，歸岫雲心喜未遲。
笑傲滄洲腰腳健，不妨雙鬢有霜絲。

投簪便可狎樵漁，卜室山城賦遂初。
全吸煙霞納詩卷，愛攜子弟課耒耜。
羨君玉樹森成列，歎我菘心卷不舒。
幾日湖山樽酒共，離蹤南望更躊躇。

西湖晤仲甫吟贈兼誌別

福州楊慶珠雪椒

段家橋畔接清芬，叢柳依依萬綠紛。
喜極不知身是客，交深祇覺語無文。
十年略改前鬚鬢，一鏡同看舊水雲。
笑誦杜陵詩句贈落花，時節又逢君。

宦海風濤敢久經，君言艤棹勝揚舲。
佳兒自得詩書味，壽相還資山水靈。
泉石有心成隱趣，勛名無夢上丹青。
宰官那識黃鸝語，輸與幽人載酒聽。

鎮日芒屨紫翠間，朝隨雲出暮雲還。
半篙野水羣鷗嬾，十頃湖天一鶴閒。
愛坐竹陰盤曲徑，爲尋梅影到孤山。
世途名利都拋盡，落拓乾坤任我頑。

獵兩穿雲興已賒，歸心逐月度仙霞。
荷花紅處君呼酒，荔子香時我到家。
三徑就荒賸松菊，一竿投老侶魚蝦。
他時若慰相思苦，請寫朔光上畫叉。

題楊蓉友

士清 歷山話雨圖

蓉友光

我昔驅車過歷下年少未耽山水游維時伯父居柏府管領
鵲華司清秋猶子趨庭客盈幕與君際會相比伴歸心迅速
南飛雁悔不十日本原留身經岱麓不登岱愴父自笑忙征
郵何況齊魯嶽山窟煙雲到眼皆遮眸一泛明湖太恩邁卅
年雪爪難追求鐵公祠畔依稀記雨聲蕭颯蘆葉稠而今老
矣伏蕩徑闕山千里輪蹄愁壯心五岳託清夢臥游宗炳思
悠悠披君此圖益懷想了了九點煙痕浮美君式穀象惟肖
儁才濤簡康紹儻弱歲胸無少年事慣倚杖履攀林邱山空
人靜意不厭沉沉暮雨傾觥籌回憶恍然吾自失勝緣良會
空相投雲搖雨散真追往閉門聽滴庭階幽喜君隨侍過吾
里尊公宦成鷹脫鞵相逢西湖綠楊畔飄然攜幼搖扁舟一

見豪情似前日十年舊侶皆白頭
殺巾蕙帶人不識鶴鳴子和相
賡酬南山之南北山北我亦狎
逐如鷺鷥指示圖畫正展讀梅
雨忽來湖煙流白浪如天雲翻
墨此景濟南較孰優未逐鞭絲
覽東魯且灑襟酒談杭州今朝
快此一樽共後約可能重論不
逍遙緩鼓江干棹與君細話看
經樓

樓在聖因寺前阮芸

臺先生所題榜

楓江道中

秋雪紛紛繞雁洲
澎山湖裏荻蘆稠
一聲打鴨船兒出
隊隊水禽皆綠頭

奔帆如馬響蕭蕭
一葉浮槎度碧寥
鷗脰湖光剛到眼
輕舟已過鱖魚橋

販馬行

朔風千里萬馬來來從代國趨越臺晨踏隄霜蝟毛縮夜立
浦月鼉更哀瘦骨凌苑蹄不息道旁草香那敢斲黑面髯奴
騎馬隨手揚長鞭大聲叱牽船百丈腰環環大隄來往長河
邊馬奴驅馬不顧人鞭敲舟子泥中顛嗚呼馬苦人不樂老
拳毒手誰約束晚來繫馬荒城村馬奴自就倡家宿

夜寒

夜寒生客枕瑟縮怯衰年冷氣蒙頭避重衾跛腳眠霜堆篷
壓雪日出水生煙暖老今須計三冬莫放船

輓陸子乘

伊人如玉臭如蘭文雅縱橫行詒端澹意迎人詞蘊藉精心
處事氣安恬西湖風月間尋句北郭漁樵樂考槃遜抗機雲
為眷屬如何一个遽摧殘

十年聯袂兩同心，盟誓婚姻契分深。
陰雨淋漓切指畫，谷風悲懼藉肩任。
直如兄弟均休戚，豈獨煙霞共抱襟。
短夢華年先我逝，斷縑遺墨勸人琴。

弓冶箕裘守讀耕，清華貽穀仰芝楸。

若家有清華堂

畫堂春靄宜齋

羽悲氣秋生，忽鵬鳴閉戶。維摩真示疾，哭兒王衍更傷情。一朝怛化塵緣謝，椿樹荆花百感并。

子半還驚半子摧。

余長子爲君壻去冬先卒君於去春亦喪長君故哭壻聯句云一个弱初春子半又

驚摧半子十年醒短夢人亡還念未亡人傷心我更淚盈顙。若兒若壻重泉聚，無父無夫弱女哀。世界遭逢多缺陷，吾生健在亦虺隤。痛君自痛今無極，冷雨酸風四壁來。

彝壽軒詩鈔卷五

錢唐 張應昌 仲甫

甲辰

次白西谿梅竹山莊落成今春櫻桃花盛得句索和次
元韻

煙霞老興不容刪更喜山花照綺顏
舊圃栽培心甘載新妝
點染屋三間春風吹鬢教誰折
午夢尋詩儘自閒梅竹爲朋
三徑就買隣何日傍柴關

原作

章 黼

老去風懷覺漸刪此花卻愛好容顏
開當梅信闌珊後看
趁春陰淺淡聞二月尙遲鶯檢點
一枝合伴我清閒
山園地僻無凡豔漫約羣芳且閉關

得周澹巖滬瀆來書見懷二律次韻奉答

同鄉常隔面異地便相思湖上采蓮日山中消夏時寂寥紅
豆客孤負綠陰枝鳧雁秋風起歸帆莫更遲

風雅能瀟灑君真澹蕩人山林經濟事雲水隱淪身格物應
多讓論交信有神相期塵鞅避同訪洞庭春

原作

周泰

纔得經旬別平添宿昔思依依春水畔脉脉夕陽時仙籟
詞三影漁歌遂一枝交情車笠在白首未嫌遲
舉世論知己如君不數人雲泥雖路迴香火總前身客裏
心多忤詩邊夢有神結鄰期後約一樹兩家春

題唐善業塋拓本用少陵登慈恩寺塔詩韻

塋爲吳門郭藉船藏

一面佛像一面文曰大唐善業塋塋得真如妙色身

貞觀崇聖教天章揚靈休元裝起浮圖含類拯煩憂資善而

成善奧業深研搜河南書序記千古懸巖幽拯含類於三途資善而成善精

窮奧業皆聖教序語搥揚無虛日傳播如波流獨此一片墜冷落空山

秋顯晦有時遇劉燕庭郭滿精訪求妙色瞻如來瘦書比同州

林宗手拓贈頂禮蠲四愁萬善尊白業居士懷龍邱側聞然

藜公所好物聚投儻分鼎一巒仗君借箸謀燕庭蓄十四枚

七月既望借錢六秋峴宿蘇公祠

薄暝籠湖隄冥冥千柳黑山入橫空渺水如靜練織忽見赤

燦閃疑是燈舫出又疑火齊騰蕩漾光不測兀然一輪起方

知是月色初躍金盆黃漸高玉盤白誰信大火流蒸月紅如

日

坐月平榭間如入廣寒府秋水盪空明翻銀浪花鼓斷雲連

雙峰明妝益媚嫵電光掣金蛇東西亂騰舞凝眸立移時涼
颯透綺紵清談頻煎茶異聞勝說虎夜靜觀以魚流星渡前
浦

畫閣俯蓮塘濃香滃足下推枕重徘徊欲眠忍拋捨林籟清
三更蛩吟徧四野坐久神旣倦抱月睡去也撼夢忽驚醒奔
濤來萬馬驚定細尋聲驟雨荷蓋打雨過月更皎泠泠竹露
瀉

戊夜正清寂曙色倏窗曉良友催披衣愛蓮須起早瀛舟水
名阮文共憑欄風來香四繞神觀沁清芬仙心遊縹緲豔豔
達公題含露紅亭亭吐蕊小乃知初日葉鮮新容更好高城酣睡者
此趣難與道

老去顏唐句更工新詩一卷唱玲瓏不愁丈室難消疾賴有
奇文可送窮世事野田閒感鶴清聲秋夜冷吟蟲相逢一歎
皆衰病愧我枯蟬咽晚風

贈蓮衣上人

名定濤楚人尊公徐明府宦於豫章既歿
君卽爲僧游京洛後乃栖止西湖由雲棲

移錫靈

芝古刹

聞是簪纓閬闔人獨君瀟灑出風塵浮雲流水皆空相特瓊
槽那清淨身

行脚天涯眼界空南能北秀識宗風禪林卓錫西湖好一笑
相逢醉濟公

揭來山北與山南選勝臨湖負郭庵愛殺錢王祠畔柳鶯聲
說法學朝參

寺前補柳護禪房屋後編籬傍藕塘安個詩僧蓮室坐法雲

華雨地清涼

觴詠曾聞瀟祐年依光

堂名浮碧過雲煙已公茅屋新詩本

更有香生鉢底蓮

南屏山接湧金湖今日詩星聚菖菂

松光青雨在南屏

二惠當年吟

嘯處孤山還覺道人孤

次白西溪山莊贍厲樊榭徵君小像次同人舊題原韻

鶴書赴召未瞻天拂袖歸來意浩然山水尋盟宗炳志文章
繼盛建元年才華南宋開詞派香火西溪借佛椽更向山莊
展遺像梅邊覓句未成眠

次白奉厲徵君神位於永興寺陪祀馮具區先生酌以

詩即用前韻余亦繼聲

兩賢慧業並生天蕭寺樓神豈偶然遺老倡開招隱社徵君

賡和太平年梅花詩卷俱千古流水高山共一椽二雪雙龕
相映處便娟空翠禩幽眠

用徵君二雪堂早起詩意
堂在寺中有綠萼梅二株

又觀馮祭酒看綠萼梅題名冊用錢虞山柳河東倡和
詩韻書後卽次元韻

曾訪幽栖石徑斜兩株香雪護禪家高花出屋疎姿古故老
題名逸興賒黃面瞿曇同枕壑絳雲樓閣感搏沙幸留隨唱
劉樊筆占得清標照玉華

一作

章 黼

二雪堂開父照斜當年題詠徧名家才推一老前朝重

詩題於崇
禎辛巳

地入三摩始願賒折贈花枝空索笑

河東句折
贈可憐疎

影尋思游蹟幾搏沙羅浮夢後還成夢若戀新妝鬢已華

虞山有道人未醒羅浮
夢正憶新妝綠萼華句

題畫十六首

崑山王翁椒畦嘉興文翁後山錢唐趙翁奇鷗各爲余繪十六題冊幅

白衣蒼狗奇山峰海波引七襄錦易消萬變圖無準油然無

心出歎然向空盡

看雲

虛明印萬象淵涵孕衆有真空斯不空大地江河受一泓流
與止清心並離垢

鑑水

扁舟玉宇遊十丈紅塵避溪橋水晶宮世界光明地清夢落
菰蒲閒共沙鷗睡

泛月

千巖競飛流九溪漱寒碧趺坐蒼壁下到耳萬念寂便欲結
亭居枕此俗塵滌

聽泉

仙禽鳴九皋肯侶藩籬鷄縱之入雲霄橫空意顧盼歸來守

梅花用答主人豢

放鶴

不聽劒門雨但搖湖上笠兩峰六橋路白沙響黃葉蒼蒼翠

翠中亂踏晨露濕

騎驢

芳林似畫圖好鳥亦朋友鼓吹詩人腸百轉在翠柳醉倒玉樓春雙柑與斗酒

聽鷓鴣

非魚知魚樂妙義領濠上洋洋與天游物我兩相忘依人了不猜噉啣落花漾

覆魚

釣徒船爲家一室五湖轉催租皂衣無添香紅袖伴鼓柁兼煎茶風月共領管

浮家

無事此靜坐存養心性學豈獨擁圖蒲逃禪妙香覺清淨天地歸蘊真常抱朴

默坐

彥瑜抱三好書味老偏嗜一讀十年期萬卷百城衛開編欣有益擿地笑盲蔽

擁書

真樂在田園樹藝爲日課後園抱甕灌前畦把犁播不羨干

戶侯力農無寒餓

課耕

雪滿深山中閉門臥高士尋香不見人落英點窗几惟有閒

閒鶴獨立橫塘渌

梅隱

千畝環渭川萬竿繞淇澳把臂入林間相視鬢眉綠不知高

軒來門駐袁尹轂

竹隱

陶徑未全荒悠然東籬下白衣送酒來茱萸醉堪把我眠君

且去斜日門關也

菊隱

秋水蒹葭蒼伊人廬在沚邈澗不可卽晴雪浩無涘蘆中兮

蘆中我懷西溪水

蘆隱

題周邠叔鐘圖拓本

并序

是鐘先大夫得于吳中畢氏初未之識也後歸于

余與嗜古者攷辨乃識之曾著錄於儀徵阮相國積

古齋款識而止有鍾間銘辭關藥左九字注云據趙
晉齋拓本摹入辭意未畢下必有文然器不知所在
云云蓋器在靈巖山館時亦以宦游未暇攷錄傳播
爾余補拓寄呈相國喜爲跋之諸城劉燕庭方伯
海欲此久矣余既老恐後不能守竟許之而惟藏圖
拓于家別有記一篇詳其事同人詳審博辯競題長

歌余但以長律誌此因緣云爾

彝壽軒中一器傳弗求而得有奇緣

先大夫不嗜古畢氏歲物散出之後余家偶市

銅器此器雜于其中得之

錫從姬氏三千歲藏到吾廬六十年金石關中

疎記載圖書吳下過雲煙

秋帆尚書著關中金石記怪他幕府多才地關

此銘辭積古編雜辨并邢參篆法

或以爲邢叔或以爲井叔大鑄伊阮配

宮縣

肅化伊氏儀阮氏皆有疏叔大鑄

土花朱碧斑爛燭文采龍虵言壽鑄

銘詞有承終于吉與器斷壽諸家顯晦有時如抱璞去來無
叔未文取吉壽二字書榜名吾齋顯晦有時如抱璞去來無

同人題詠選錄

夏之盛松如

鐘爲張仲甫所藏鍾間文曰非節曰非節文則皇考
對揚乃德得純前魯承終于吉尚不敢弗帥用文祖皇
考鏡開文曰穆秉惠尚憲虞
器斷壽銅花 說文制作精古

張侯示我周邢鐘四十一字光能熊母名節字孝孫勳對
揚乃德昭肅離周封同姓國五十禽父居長荒大東官司
彝器重分守銘鐘鑄鼎酬殊庸維邢衍派出公且凡蔣茅
旂祭所宗麟經始見隱五載曲沃伐翼邢從戎叢爾小國
構多難衛南狄北頻交攻願借先靈固疆圉嗟哉積弱難
爲雄鐘厲震驚識失守安望徼福絲無窮我摹鐘銘重太
息在昔降鑒懷先公水原木本遠且久苾芬孝祀承侯躬

鼗鼓萬舞定陪列季夏六月祠闕宮此鐘微意耿不滅慎
守世澤延箕弓但能保邦必法魯純祚肇錫斬永終文祖
皇考實右享太姒作鼎精誠通鑄金鄭重溯始出寶蘇五
鐘將毋同元年制仿師且鼎獄嶽望國瞻龜蒙曰惟節母
謹侯度畏天事大保汝封葛蕭蒙茂庇根本大林余義聲
諧從衰弱詎不思將帥危乎一綫悲旋蟲夷儀實紀遷器
用典物徵據豈鑿空祭器爲先家器後強齊亦可資斷幪
奈何邪自蹈弗帥憲虞秉德忘寅恭昆禮往仕侈奇計巡
城國子罹凶鋒守器應虬再遷徙繡裳神御應悲恫蒲牢
一吼歸妹土腥聞舊染銅花濃二千餘年尙完好興亡轉
瞬隨飛蓬摩挲幸覩三代物如從鐘師訪棧鏞珍藏况得
好古士命客作賦摘辭工張仲之簋自在世孝友奕葉承

家風願君率德遺孫子器之大者其聲洪

前作既竟更觀鐘文審定爲井鐘蓋說文邢字與此井字兩聲上出者判然不同井下一字或云古節字阮氏款識獨訓爲叔井叔同人也屬鄭國余藏古帛銘曰鄭井叔作拜商又受賓鐘習鼎允彝皆鄭井叔銘俱足證也爰申鄙旨

別賦一章

昔鄭井叔作拜商歷劫完好歸鯁生是鐘亦屬井叔造克
對乃德揚先靈摩挲細剔雲雷古篆銘深畫羞譌邢節訓
作叔更簡切積古款識精評衡彼邢實爲元公裔春秋衛
滅非鄭并此鐘律况倍無射景王以後器加盈是時夷儀
遷已久確然是邢難移更邢古大國隸鄭地今爲鉅鹿昔
井亭邢叔當以邑爲氏如穎特冠考叔名周有井利秦并
伯邢亦巨族多名卿銘鐘勒鼎紀勳績列辟咸震墜墜聲
導揚先命戒弗帥大永終吉純祚亨饑叔文祖暨皇考歆

爾孝祀鑒爾誠邦叔遺事史文佚定能應祖昭忠貞乃者
鄭國日陵替棖崩棟折朝將傾蛇鬪南門龍覲消災履迭
出悲金精三卿樹黨七穆侈夜長寤室聞鐘鳴君驕臣僻
政以弛宮商壞亂難爲正旋蟲一綫紐欲絕蒲牢悲吼秋
風生叩鐘我欲詢往事鐘不能言徒判司東里良相善施
設卅年鐘簾安無驚奈何二肆巧賂晉女樂陪侍矜娉婷
淫聲靡靡細已甚鬼神禋祀將誰馨當時骨月自攜貳京
叔鑄盞猶聞腥高克作尊恣游讌清人空厲矛重英二器見宣
和博古圖豈如此器最濁古盤雲百乳銅花青虎牢牛牛首闕珍
怪何時出土祥光呈周公勞鐘周公望二器見續千秋軌
右齊歌識物遺西京拊鐘我欲弔新鄭諸姬胥盞嗟宗盟留鼎曾載
邦叔事未環錫命登王廷五田用衆繫曰鄭以彼證此尤

分明靈餼作鐘用爰賓冗彘亦惟邢叔銘寄語考古勿鑄
錯愧我菲才如撞莛

曹惠馨孟明

邢圯一百六十祀般人鐘虞遷成周姬公康濟靖王室辟
靡鐘鼓聞遐邇爰錫伯禽建魯宇再命厥弟爲邢侯惟邢
小子篤忠孝特懋殊禮與魯侔其餘凡蔣茅胙祭頒爵從
降匪匹儔若凡若祭僅伯爵地屬汲郡連陳留昌邑封茅
弋陽蔣胙隸燕縣今滑州此二國者爵莫考後君無可稽
春秋大宗維翰列羣輔宗盟世世當勛勦繫惟邢侯宅襄
國石門屹屹金峰嶒廣平信都順德境至今民俗誇殷綱
邢君始封卽藩服宏承寶命敷嘉猷文祖皇考實降鑒紹
圖衣德無愆尤克迪前光續舊績用錫秬鬯盈一卣旣作

新廟謹孝享龜鼎輝映絲衣杯丹楹刻桷交致美康圭崇
坵皆陳脩九獻有儀鉅典赫百神是主先公酋大鑪小餽
競考擊以南以雅調歌謳敬作彝器薦世室金奏爲重通
明幽永終于吉紹命祀不致弗帥昭貽謀穆穆迓衡克秉
德用斬壽考延洪庥親親不弛篤宗魯每節垂訓銘文鏤
兄弟和翁足禦侮蕃屏王室鶴原求狄人伐邢嗟季世微
齊桓力其無鳩犇北陳師旣潰散夷儀遷國如歸休胡爲
他日反從狄伐衛菟園奚所讎衛來報復屢爲病坐令邊
鄙遭虔劉康叔有靈亦震怒特降時雨澆戈矛衛遂滅邢
若拉朽同盟齊狄誰分憂麟經譏燬滅同姓東魯亦復忘
同仇穆考元公應恫怨邢不世祀爲神羞立國四百五十
載殷墟遺麥傷油油笙鏞散逸祭器毀此鐘遂爾淪荒邱

追蠡旋微縮菌蠢應龍紋隱攢幽膠將將哀寫淮水怨漭
漭深湖淇泉流房星曜晦定嘶噉良坤方卜堪尋搜風號
六種吼師子雷裂九地跑犛牛二千九百四十歲吉金貢
瑞珍天球張仲孝友允可主永祚眉壽百祿道

高學沈小垞

曹侯示我邢鐘篇我釋井字心疑焉邢當作开井作井井
義自昔通井田八家同井遂得姓邢爲天國古所傳康鼎
末綴鄭井字井屬鄭地無煩詮允彝大書井叔佑時王在
鄭周東遷此鐘或者鑄自鄭錫井大夫功德鐫辟雍虞業
幾轉徙霽紋星帶成飛煙君臣立號義未辨縞葛一戰王
中有從茲王室日陵替綿綿不絕如蟲旋玃公得爵鄭鄭
請鑿鑑自不如酒泉陪臣既非天子守私邑豈必貽宮縣

編鐘拜賜粵鐘錫用昭勲業母忘愆良臣余義孝先祖趙

臣余

不使有美楚獨專九龍十龍娘龍鼎鄭大夫公篆帶

子龍作

篆帶

刻劃紋蜿蜒是時重器弗賂敵永終純祚長綿延納罇不
聞况女樂二肆并絕慳觸瀾淫匪一洗思立武晉楚未敢

施戈鏃懿惟并叔穆德克旒乃在東里賢二方莒鼎寶

嘉賚升香告廟陳几筵或云并利世周傳伶州鳩論同昭

宣或云并伯仕虞國與號八爲晉商連去虞入秦等百里

銘勛奕世傳高聲

秦銘勳傳文曰高聲自慶

又云并屬姜姓後夏聲復

共齊鐘聯豈知此義具芻鼎并叔邊見重摩研誓詞反覆

終用鄭鄭井之說持益堅綬寶鐘義互參攷有鄭井叔三

字全并叔簋蓋并叔鬲皆以鄭冠并叔先二器晚出亦足

據以彼證此洵天然鰓生未識三代物攷析點畫期無偏

請看原父識邢敦歐陽一語垂千年

其二

商孟孫彝有井字識井爲邢義可詳師毛父敦井伯佑內
史冊命稱對揚二器釋文始宋薛阮從其說庸何傷齊鐘
牧敦刑作井以刑例邢義愈彰穆鼎井邦宏大賜有邦洵
屬諸侯王憑式文祖暨皇考此鐘決爲邢所藏惟邢從晉
其伐翼武臣敎命開邊疆旋罹狄患已三載伐彝四應聲
鏘鏘震驚倫亦及憲虞宗彝失守人倉皇齊桓創霸自此
始吉金鑄劍詞輝煌遷邢一一遷器用邢不失國鐘不亡
東鳴西應互拯救與衛蚩虜毋相忘豈知從狄遠伐衛彈
丸百里思披猖訓辭大善奉終吉奈何邢自臨弗良文祖
皇考實怨悞金精疾走無何鄉衛師以詐不以德操戈同

室來相戕禮至一銘取譏貶孰敢與鐘相頡頏燬能滅國
不毀器越三十載生寒芒齊侯十三宋公六大國得之誇
富強紀侯鄒子及魏叔小國以此昭旂常分頒亦等土田
錫大呂康叔姑洗唐公旦四子奉邢祀若華周公華鐘與望周公
望皆天潢兩稱皇考右屯魯寶林文字還相當叔丁寶林鐘銘與此
似屯寅身比德吉帥句末叶均齊祿康祿康鐘以屯寅身
帥爲韻皆阮氏所言肅雝和鳴其列辟先相是聽聲嗶嗶有鐘弗考
轉自葉周公之胤誰烝嘗幸哉王器付同姓金錫圭璧流
餘光器能斷壽者先覺遠勝國祚垂靈長宅宅雄四字見宗
周鐘用昭格掘地尙識宗周昌

其三

廣韻井下有邢字注釋地名邢卽邢是邢是井可合一省

乃作井尤分明文祖皇考列尊號對揚乃德如歌慶侯伯
致詞例有此不當出自小國卿鐘爲邢鑄書作井遷流遂
爾忘周京我思張出姓後乃祖實始觀厥成二千九百
四十載付託有似蕪書溢諸視鐘形類通甬銅花鏤涇盤
銑鉦夔龍雙鳳不可觀兩樂百乳徒晶瑩矧惟張氏多寶
器河南巨族兼新平單彝田卣直耳鼎雲雷雕簋餘縱橫
旅匣載敦師與簋蛟螭刻畫長紆繫收藏不少三代物問
誰實大而聲宏君家本有仲父鬲子孫寶用如瑤瑛銘文
更著張仲簋驪山器出田夫耕與君同字復同序所願二
難能合并惟君孝友出天性秉德斯壽輸精誠諸器光沉
響亦絕此鐘亙古聞碎句萬鈞迭奏窈韶護一時細響無
錚錚摩空作賦賴公等湯湯茗水疑吼鯨詞源領峽鼓鞀

駘音聯南雅和而清繁余大印復小印剖析疑義從中生
固哉之見等追蠡敢謂考覈詳且精君言寸莛且勿擊與
子同聽嗶嗶聲秋分協律洩金氣豐山霜應同敲鏗和聲
更著 國家盛盡息羣喙無爭鳴

姪 興烈懌齋

銅山崩頽金鐵撞虎牢拔地摧崆峒豐鯨一吼衆樂啞追
蠡力弱干鈞扛西京自昔遭播亂鼓鐘淮水喧驚瀧東遷
維岳鼎再定千乘萬騎騰驪驪司徒隻手恢大業明堂玉
佩聲琤琤周王曰咨爾叔父中與偉烈豐而麗軒縣錫嘏
德音奏乘禽四積七十雙是時母也定爲介彤弓列宴森
麾幢有功賜樂受采地邢亭關土藩大邦范金作鐘述祖
德論譔功業詞慳慳惟邢實與鄭同氏有如岷山源導江

後來衰夷比九縣介居兩大交矛鏃襄鐘久爲子罕賂歌
鐘更逐惺獨降靡靡淫樂細已甚誰捧抔土填洪淫邢之
後人亦陵替黃鐘毀蕩流哀淙不然七穆方輔政和聲鳴
盛笙鏞撝或相厥辟觀天子璧鑑色奪黃金缸或借子產
拜晉賜裁裁莒鼎嵌空繼奈何魯氏久湮沒新聲亡國心
增慄吉金委地二千載束縛草莽啼螻蛄嗜啞韞韞不久
闕夜半霹靂飛碎鋒靈蘇出世賦竒寶俗眼那辨珉與珉
登之几筵儼球石益然古氣浮軒窗鏗鏗捶揚應宮徵濡
染鉅筆揮長杠有時大鳴不待叩力關衆說開昏曉當今
太平萬寶涌 彤廷伐鼓音逢逢 叶 伶夔羽翼布韶護鳳
皇來儀獸舞躩辟雍靈臺魚鳥樂土修禮樂農耕稷行將
持此正鐘呂發聲振暗驚愚蠢嗶嗶金奏配鼗祝一洗季

世繁音哢

乙巳

鹽官唐安國寺碑殘石拓本爲六舟上人題

落水蘭亭柱礎碑銷沈壽石幾留遺寒雲一片攜清供柳骨
顏筋好護持

剔蘚披榛行腳忙煙雲過眼飽琳瑯千年唐刻攜懷袖難得
相逢在故鄉

初冬舟行

老境方知客路艱霜風吹面掩篷關薄寒欺酒不能醉昏眼
拋書終日閒訪舊懶攜登岸杖臥游靜看到窗山愁風愁水
今彌甚莫道溪鷗慣往還

十月初九日入測道中紀事

出門迎朔風朝費緯艣猶喜風日和丹林絢錦組計程指
楓江晴曦麗今午陡起片雲黑斜風飛急雨驚颺砒然來竟
作石尤阻打船到荒岸荻花滿窗舞榜人噤束手旅客皆戰
股曠野生戒心斜晷挂平楚危坐禱箕伯願神伏狂虎涉川
抱忠信揚沙毋跋扈應念霽風威雲開華日吐輕舟入江村
餘霞明遠浦客懷離怖畏旅枕安棲處夜靜月當船舉杯邀
影伍誥朝更北征風聲猶許許

壽陳訥奔六十卽和自述原韻四首

富貴不讀書虛生身世負貧賤而好學至樂筆瓢守貴賤同
駒隙瞬息皆蒲柳惟有著述傳千秋龍蛇走先生詩謫仙長
留天地壽傲彼駟乘干吞乎雲夢九悠悠不朽名小此介眉

弁眉亦忻然行看七秩開周甲先進酒愧我偏遲來逢吉增
東顧托臂真快哉病足喜特健笑顏展歡哈設醴安穆生負
茲從王駘謂談帳羅子通刺史處頻年跼躅意到此心胸恢向我說賢

主舊雨相挽推

舊雨散晨星未老多蚤死勞勞馳驅者易萎乃如此彈冠苦
擾攘枕流愛清泚文章頤道性詩酒延年齒終歲手一編丹
黃訂亥豕閉戶輕王侯直令軒冕恥清狂希前賢楓江三高
士

三高渺芳躅下士徒大笑君獨負奇氣龍吟夏虎跡吐辭使
人驚搔首歌儂懊室無儋石儲百篇自清嘯老境詩逾妍雄
談非意料示我近稿讀春氣益襟抱卽此卜壽徵遠躋香山

老

余舊居金芝廟巷老屋以人滿遷出越八載人事變易
於乙巳九月仍歸老屋葺治荒徑並重築頽圯之東軒
起一樓名曰雙樹以鄰樾二株當窗間也樓西隙地面
短垣因增築一閣登閣見湖上兩高峰及保伽塔名之
曰見山閣落成紀之以詩

先人徹廬存苟完事粗略陋居雖蝸隘瑞室叶龜灼淵淵聚

星潭卑窪具邱壑傳聞相宅者先幾示管郭

星址昔名五奎潭明萬曆間始

築屋嘉慶時前宅于陽氏營屋有術者謂是宜人駒出入非鶴所宜居也果爲先大夫所得吉祥符止止

家室協嗚嗚盈門喧駟馬遶階茂芝萼娛嬉四十年釣游恍

如昨一朝舍此去忽如繞樹鵲祇以本根繁偶焉別枝託人

事歎錯迕骨月傷零落言興仰屋嗟那得行窩樂故園雖就

荒猿鳥喜有約伶俚無八口叢雜攜數棗鷓樓圖一枝老矣

歸於毫

故園蕪不治風雨常漂搖荒徑蓬蒿長小山松菊凋危梁燕
泥落頽壁蛛絲飄漫作池上吟幾爲爨下焦掃門斬荆棘補
屋安窗寮風日透林薄秀色已可描護花斷垣葺洗桐清泉
澆歎息去枯樹端詳芟繁條小梅籬角補明月松間邀文窗
與書閣藥爐兼茶瓢一一位帖妥煙景供昏朝小園未堪賦
隱士或可招更起東軒樓放眼凌青霄突兀眼前見此屋聊
逍遙

東軒三間屋昔年讀書處環堵無一畝菜梅半朽蠹所喜借
綠陰南隣有雙樹垂楊搖煙晴高榆照日暮映我明窗紗差
得清遠趣於今梁木壞鼎新遂草故因之夢層楹窗間縹雲
霧森森兩喬柯到几濃綠互朝陽數寒鴉落霞見孤鷺於焉

拓疎襟庶幾盪塵慮渺渺兮余懷別有感歎寓階前雙桂枝

一樹萎秋露佇彼孫枝補徵此嘉樹譽衰年慰零丁樓名思

義願

余喪長子而未抱孫望次子生孫承兩祧以補此恨魏君滋伯清額並跋語誌之

登樓心曠如所覩猶未遠樓西有卻地圖畫更拓展架屋複閣竦當窗短垣淺悠然見西山意外得高牖屋角一浮圖卓

筆欲手撚插雲雙高峰了了青在眼雨竒與晴好湖氣朝可

辨落日嵐光紫雲錦暮天捲最喜落成時飛雪應冬晚遙指

段橋邊羣玉燦厓熾煙霞城市間湖山几榻畔閉門可登臨

臥游憑息偃打頭屋不寬盪胸興自遣見山題吾閣欣賞共

西峴

錢君秋峴築圃北堂有見山樓窗對西山余此閣雖低小亦得見焉因以彼樓名名吾閣乞秋峴書之

十月二十二日過橋李喚小舟訪友將登岸而舟側致

有水厄戲成一律

笑我今猶立腳柔欲登彼岸又隨流翻身鶯燕輕捎掠戲水
魚鳧自泳游把舵轉船還有主臨厓勒馬庶無訖到門誰料
王濛厄帶汗先生看不休

丙午

喜聞 少穆制府自西陲 召還朝並奉先署陝督之
命次辛丑年公留別杭人二律原韻郵賀

喜聽

恩綸下九秋更頒璽節到邊州屯田趙使勞蒨尾歸國班生
認虎頭榮入玉門迎帥纛歡臚竹馬解民愁生還第一欣愉
事家慶團樂話節樓

相思萬里歷三秋夢逐羈臣度玉州再覩子卿金繫肘遙知
博望雪盈頭三邊春旆瞻新靄一集秋笳續舊愁從此太平

登宰相可能重醉望湖樓

附錄公辛丑年次張同莊贈行韻兼留別武林諸君子作

侯官林則徐少穆

唱徹陽關萬里秋借書還爲說三州

同莊以秦莽尙書三州輯畧案本見借

幾人絕域逢青眼

同莊句云不圖絕域逢三帥得放過臣

優

也昔日歸程羨黑頭

同莊入關時

不信玉門成畏道欲澆

珠海洗邊愁臨歧但灑憂時淚蠶市連雲正結樓

惜別羣公各感秋酒痕襟上話杭州附書犬欲尋黃耳瞻

屋烏難換白頭相送莫貽臨賀累有心都寄夜郎愁退思

往事還西哭多少羈臣出節樓

梁茝隣中丞自閩出游吳越示讀別家閣詩四律次韻

奉和

尙繫蒼生望非希洛社賢陶_詳知樂命歐錄記歸田_{公著歸田頌記}

鳥倦卽棲谷雲升仍在天雍容商仕止行可類飛仙

南國甘棠頌當年政化行鶯花歌舞地鯨海鼓鼙聲上滬軍門壯長江礮火明病難艱大荷退讓

鑒臣情

感慨鄉園事浮家住總宜_{公以夷攪福州僑寓浦城}武夷隣勝地吳越繫

遙思輕舸看山到閒心出岫知江南艷陽日隨處畫船移

簪纓與著作萃美鄭公門過邁傳庭學郊_{祁懋}

國恩等身書照眼聯袂酒留痕客裏團樂樂無煩憶故園

爲人題晚香居圖

紅紫東風一刹那晚香殊勝早春過良臣暮境全名少志士窮途繼節多誰似秋容貞老圃須知芳樹重寒柯淡交領略

蕭齋意老子婆娑興若何

雙樹樓獨坐

小樓閒徙倚窗列好山眉日落霞成綺風來柳有姿巷喧乘馬客門掩坐禪時人境心偏遠蒼茫獨詠詩

題明甲申浙中死事七君子尺牘墨蹟冊次梅村先生

登數峰閣禮六君子詩韻華亭王儼齋司農鴻緒修明史時得勝朝浙人同殉甲申

北都之難七君子之簡牘裝爲一冊蓋於孤山所祀六君子之外增一俞侍御諱志虞也儼齋各題一贊此冊

今蘇家叔未解元處

孤忠標峻數峰秋恰似孤山砥碧流生氣猶贍遺像笏層楹

已換舊時樓數峰閣在六一泉側久圯而塑像具存近人重葺平楹修整遺像奉祀奕奕如生惜屋甚卑隘

墨牋燄燭三千丈斗數輝增十一州何日聖湖祠禍整請移

名筆鎮山邱吳農祥登數峰閣禮六公詩自注閣爲先公同葺浦黃公所建冊中儼齋贊云忠端有陽吳山

有亭忠端卽石齋先生也今亭塌俱無存

錢秋峴夏日居湖上蘇公祠湖水熱而祠中無井無以濟沈瓜汲水之需相地脈謂秦淮海祠前當有泉鑿之果得且清而甘魏滋伯以坡公詩意名之曰雪乳而爲之銘秋峴因勒石徵詠

五月六月湖水熱雪藕調冰不消渴讀書堂外穿玉鬣忽得甘泉來汨汨茶煙悠颺瓜戰豪兩腋風生屏炎鬱鄰侯昔日開六井蘇公繼之湖淥飲錢子今日得一泉靈源浩淼來祠邊君學前賢汨水利捲起葑雲湖鏡麗寢興終歲在堂前歌嘯與公通寤寐應是仙靈導引來特示當年調水意名之雪乳明且清儼彼雪浪盆續銘新詩靜和松風韻佳味芳調玉粼羹我來正對秋容展待酌寒泉薦莢殘日高睡足瀛舟時

醒耳銀餅馳驅轉

家叔未文

廷濟

爲嘉慶戊午解元其次君穉春

慶榮

又

登道光丙午科榜首喜賀二律

喬梓龍頭踵後先

熙朝僅事九州傳况承名父名山業特健大椿大蓋年

文著

富享大名今歲七十有九長眉

達羽清儀鳴鶴和

清儀閣君家藏經籍

童顏矍鑠如昔手揮口吟不能

藏古彝器甚富而精號叔鐘其尤著

處金石祠鐘寶器吉羊鐫

者也所著金石題跋文字數百册今

之奇榮異遇洵吉

午科濟美吾偏愧幸附宗盟喜亦顛余家

金樂石瑞徵也

乾隆

丙午發科嗣戊午庚午壬午

皆有所者近兩科竟寂然

重慶鳴鹿謝東山兩代登鼇梁仲堅

丈與儀徵阮宮保相國

師生至契今科相國重

宴鹿鳴晉太傅丈得父子

眉壽昔年圖二老

於廣陵相國喜

解元榮遇足以相敵矣

刻石題曰眉壽圖

壽掀今日樂雙仙江南吳越齊嘉話日下

雲霞燭遠天，雛鳳清聲逾。老鳳燕公手筆狀頭聯。

賀汪竹隱丈農重宴鹿鳴

杖朝重賦鹿鳴篇，髮鏤神明行地仙。藜火昔然天祿閣，

丙午丈以四庫書告成賜舉人桂林今領大羅天。從公南省承椿蔭，丈以

部顯老西湖享鶴年。嘉話鄉賓彰世美，清芬韶翼更綿綿。

學士平章阮與梁，大名羣仰魯靈光。李親相映輝先後，

重聯羽頡頏。盛事鄉園評月旦，美談吳越聚星芒。山舟學士

也丁卯重赴儀徵相國與丈同年今科亦重赴幾人得此遭逢偶，老子婆娑福未央。

吳門喜晤沈西雒同年觀察講

交契水同澹，別離星再終。病身書問懶，詩思夢魂通。高隱看

君樂西河，慟我窮感懷。年少事今日，鬢霜同。

徐覺夫慶松高藹亭慶曾李敬齋劍錢竹梅溥沈介眉

祖壽

招游惠山暮飲皇甫墩環翠樓

五君皆錫山韓米
輔明府傅章壽客

曉雲橫空濛訝失龍峰九須臾吐白日一塔出巖首黛鬟初

睡醒半面窺窗牖宛似弄妝人畫眉嬾素手熈船蹈巖徑攜

筇陟岡阜滿山霜葉飛掃石雲在帶品泉嘗一甌玉乳味沈

厚言訪聽松石古篆摩挲久故家森祠宇三立名不朽昔盛

今少衰遺風猶世守胡秦兩名圖締構趣各有寄暢

秦園尤
之名

奧曠入門迤一畝當山斂軒楹山色溪光受曲折梅竹林聚

綠藏巖右几研此安排應燭俗塵斗緩步無三里疲始慚老

叟倦憩入幽居甜嬉謝諸友去去游興闌落暉沉浦口移船

環翠樓面山引樽酒樓占芙蓉湖面面瞰郊藪照檻山容妍

遶廊湖水瀾對此傾壺觴嘉肴羅筍韭酣醉聽談豪喧呶競

蹶毋不覺團團月明鏡升屋後人散更憑欄歸舟攜月走水

南燈火映霜滿鐘魚扣招邀感羣公永日晷過西醉眠聽夜
雨嘉辰眞不負

雙樹樓對雪

樓外散飛英瓊花樹樹生抱枝鴉瑟縮吹絮柳輕盈遠岫當
窗失陳編到眼明不愁寒沁骨頰引玉壺傾

南隣榆柳大樹二株余樓名以此也十二月九日登樓
忽見榆樹枝條伐盡斧痕了了余築樓以愛此嘉樹故
並以爲庭階補玉之徵乃一載而忽斃其一愴懷感賦
鬱鬱雙喬林南隣託蔭久相依四十年照我東軒牖故廬蒼
低隘煙霞慳納受於今起層樓綠陰滃几右差有讀書樂濃
青伴髯叟樓以嘉樹名豈惟松桂友傷心庭蘭推孤根嗟弱
朽以徵孫枝茁玉樹交柯偶如何衆鳥託忽如大山走蒼蘆

暮月中顛傷斧柯手不見歷歷榆但搖依依柳薄植遶闥厄
獨木悲株守悽愴吟江潭三歎醉拊在朝鳥亦啞啞三匝啼
屋後

題楊雪椒光祿柳港歸漁松陰餽鶴二圖

官道春旗久往來爭如磯石坐莓苔輕蓑小笠朝衫換細雨
斜風釣艇開溪上得魚奚論價甕頭有酒儘銜杯萬楊柳裏
詩人隱是宰官身那得猜

凌霄偉異此仙禽昔日鳴臯今在陰風露天高吹背冷松泉
受穩入林深童攜俸料爲閒伴子和岡巒有遠音羽扇綸巾
逢闥客那容凡鳥到門尋